



## Inungnun Tuhaqtitauyukhaq

### Nunaqaqqaaqhimayuni AIDS-kut Qauyihimaninanik Havainiq 2016

Aullaqtivia Uplua: Hikutirvia 28, 2016

Taimaarvia Uplua: Ubluiqtirvia 6, 2016

Nunavut

60 sec

Nunaqaqqaaqhimayuni AIDS-kut Qauyihimaninanik Havainiq unauyuq Ubluiqtirvia 1-6, 2016.

Nunavunmiut akhuurhaqtauyuq ihumagittiaqulugu umani ukiup qanuriliurutaanik – “Hands Up uvunga HIV-kut Nutqaqtinniarhimaniningani” – ikayuruti mikhilaaqtinahuarlugu kanngunarniq ukunani HIV-mi/AIDS-milu aallanilu nuliarnikkut hiamitpaktut aannialaqutit talvuunga uqaqatigiinkkut nutqaqtinniarhimanikkut, ihivriuqhinggaunikkullu hapumminikkut uvaptikni, paannaptikni nunallaaptikniklu.

Aanniaqtailinikkut Havavik qangannaq tunihimayut nutaanik aturutikhanik ikayurutikhat Nunavunmiunnun uqaqatigyaanginnik paannariyamingnun, munaqhinun, nutaqqanunlu mikhaagut nuliarnikkut, aannialaqinnattumik nuliarnikkut, nuliarnikkut angiqniq ukunani nuliarnikkut hiamitpaktut aannialaqutit nutqaqtirnikkut ihivriuqhinggaunikkullu. Takulugit nutaanguqtirhimayuq nuliarnikkut aanniaqtailinikkut qaritauyakkuuruti uvani [wwwirespectmyself.ca](http://wwwirespectmyself.ca), qinirlugulu aturutikhaqarvik.

Tataja aktilaangit HIV-mi/AIDS-milu ikitpiaqtut Nunavunmi. Kihimi, aallat nuliarnikkut hiamitpaktut aannialaqitjutit imaatut chlamydia, gonorrhea, syphilis-lu amigaittut, hulaqtikaqpiaqtaqtullu aanniaqtailnirnun. Havauhiqtaungitpata, ilangit nuliarnikkut hiamitpaktut aannialaqutit pipkaqtittaqaqtait inuit nutaranilimaiqlutik. Aallat nakuuhituttaaqtut qaritaqmun, uummatimun imaaluu tuqtutjutigiyaulunilu.

Nuliayukkuvit, ihivriuqhinggaunikkullu aallanunlu nuliarnikkut hiamitpaktuni aannialaqutinun:

- naunaitkutiqaruvit (imaatut ulurianaittunik kilaarnirnik maqinirnikluunniit uhukmin uttukminluunniit)
  - nuliaqatigitinnagu nutaaq piqatigiyakhat
  - tamainni tikitpata pingahut siksiuyulluunniit tatqiqhiutit ilvit piqatilluunniit nuliarutiqaruptik aallamik
  - aturaluarhimaguvit puurnik

Angutinun arnanunlu puut kinipatjutillu akiittut nunallaani munarhitkunni, amigaittunilu aallani humiittuni nunallaani. Ilitturittiarit uvani [www.irespectmyself.ca](http://www.irespectmyself.ca), uqaqatigiluguluunniit nunallaarni munarhitkut.

###

## Tuhaumapkainikkut Uqaqatigivikhaq:

Ron Wassink

## Tuhaqtitauyukhanik Ayungittug

## Aanniaqtailinikkut Havakyik

867-975-5710

[rwassink@gov.nu.ca](mailto:rwassink@gov.nu.ca)

News releases are available in Inuktitut, English, Inuinnaqtun and French on [www.gov.nu.ca](http://www.gov.nu.ca).

Tuhaqttaghat ittut Inuktitut, Qablunaatitut, Inuinnaqtun Uiviitillu talvani [www.gov.nu.ca](http://www.gov.nu.ca).

Les communiqués de presse sont disponibles en inuktitut, en anglais, en inuinnaqtun et en français à : [www.gov.nu.ca](http://www.gov.nu.ca).